

Komuna e Gjilanit/Gnjilane

Xhemile (Kurta) Bekteshi

(18.03.1948, shqiptare nga Përlepnica/Pri-lepnica)

Xhemilën e kishin parë të gjallë për herë të fundit në fshatin **Përlepnicë/Prilepnica**, në **qershor të vitit 1998**. Mbetjet e saj mortore janë gjetur në vitin 2006, në një lokacion të paidentifikuar.

Burimi: KNKK, *Persona të zhdukur...*, FDH-9795.

Mefail (Xhemajl) Fejzullahu

(15.05.1966, shqiptar nga Muhovci, komuna e Bujanocit, punëtor, i martuar)

Mefaili me bashkëshorten Xhevrijen jetonin në Muhovc, komuna e Bujanocit, por në vitin 1997, ata u zhvendosën në Gjilan/Gnjilane, ku jetonin si qiramarrës. Mefaili kishte punuar punë të ndryshme për ta mbajtur familjen e vetë. Në datën **13.06.1998**, Mefali ishte në treg duke shitur majë buke, por me qenë se nuk kishte blerës, ai vendosi që të shkojë në pyllin e fshatit **Velekincë/Velekince**, për të mbledhur kërpudha. Pylli gjendej përfaqësisht një kilometër larg kazermës së ushtrisë jugosllave. Në një çast, pa asnjë paralajmërim, ushtarët serbë nga pylli kanë shtënë në drejtim të tij dhe e kanë plagosur. Pastaj, e bartën zvarrë deri në kazermë, ndërsa më pas e çuan në spitalin e Gjilanit/Gnjilane. Më pas, e transferuan në spitalin e Prishtinës/Priština, ku ai edhe ndërroi jetë. Vëllezërit e tij e kishin marr trupin e pajetë të Mefailit më 15.06.1998. Ai u varros po atë ditë në fshatin e tij të lindjes në Muhovc.

Burimet: deklarata S.B, FDH-36705; *Albanian Picking Mushrooms Killed by Serb Military near Gjilan*, pasqyra e lajmeve, KIC, 14.06.1998, FDH- 29319; ICTY, IT-05-87 (M.Milutinović dhe të tjerë), Ex.4D00355, FDH-31362.

Rexhep (Rexhep) Bislimi

(13.06.1966, shqiptar nga Ferizaji /Uroševac, student, tre fëmijë)

Rexhepi ishte aktivist për të drejtat e njeriut. Punonte në degën e Këshillit për Mbrojtjen e të Drejtave dhe Lirive të Njeriut në Ferizaj/Uroševac. Në datën 6.07.1998, policia e kishte arrestuar atë në një rrugë, në Ferizaj/Uroševac. Të nesërmen, policët e sollën Rexhepin në shtëpi. Fytyrën e kishte të mavijosur dhe me gjak. E detyruan për të gropuar në kopsht, meqë policia dyshonte se ka fshehur armë. Nuk kishin gjetur asgjë, por megjithatë sërish e morën me vete. Tri ditë më vonë, familjarët mësuan se Rexhepi gjendej në burgun e **Gjilanit/Gnjilane**, por nuk u lejuan për ta vizituar. Në datën 19.07.1998, familjarët mësuan se policia e kishte bartur Rexhepin në spitalin e Prishtinës/Priština, ku i ishte nënshtruar një intervenimi kirurgjikal. Ishte në gjendje kome për dy ditë me radhë, ndërsa ndërroi jetë më **21.07.1998**. Në rezultatit e autopsisë shkruante se ka vdekur si pasojë e goditjeve në kokë dhe trup. Ai u varros më 23.07.1998 në varrezat e Ferizajt/Uroševac. Pas lufte, Rexhepin e kanë shpallur dëshmor lufte. Në datën 12.09.1999, mbetjet e tij mortore janë rivarrosur në Varrezat e Dëshmorëve të Luftës në Ferizaj/Uroševac.

Burimet: HRW, *Shkeljet...*, 70, FDH-31132; J.